









Opuscula



Opuscula

I  
C

A  
E

C

I

A  
S

I

A



CELSTUDO  
VIRTUTUM 42

*In*  
DIVINISSIMA  
MARIA  
MAGDALENA

DE  
PAZZIS,  
EMINENTISSIMA;

Annuâ suæ Solennitatis redeunte Die  
in Basilica Celeberrima  
Conventus Cracoviensis Majoris,  
Perantiquæ Regularis Observantiæ  
PATRUM CARMELITARUM,

Humili Stylô,

*Præsente Illustrissimâ Magnorum Hospitum*  
CORONA,

*A*  
GEORGIO JOSEPHO

De BRONIKOWO

BRONIKOWSKI,

Jurisprudentiæ & Cursûs Philosophici in Alma  
Academia Cracoviensi Auditore.

ADORATA.

Annô, quô ex Celso venit DEUS Olympo, 1741. Die 28. M. ij.

Typis Collegij Majoris, Universitatis Cracoviensis.





**H**is *RASTRIS* sacri Patrij Flos cedit honoris  
Totaq; virtutum messis ad Illa venit,  
His & ego mecum cum parva fruge luventæ;  
In Folijs florem sterno dicoq; meæ;  
Quem circumfusus riguo satis imbre favorum  
Sic viruisse decet, sic cecidisse juvat.



EMINENTISSIME  
PRÆSUL,  
Protector Singularissime.



*Non decebat me aliter pro  
laudibus Sacratissimæ Vir-  
ginis MAGDALENÆ  
fuisse oratorem, nisi simul  
Eminentissimæ Celsi-  
tudinis Vestræ esse Ado-  
ratorem. Totum quippe me, & totam quam  
vivo vitam Eminentissimæ Celsitudini debeo,  
quidni & has laudibus Seraphicæ Virginis  
MAGDALENÆ exaratas debeo pagellas. Ac-  
cepi à Progenitoribus meis esse, ab Eminentis-  
sima Celsitudine Vestra accepi & habeo bene  
imò optime esse, Quem providentibus Superis  
meum Orthodoxæ Fidei Demonstratorem, in  
adversis fortunæ eventibus Defensorem, in  
quibusvis arduis occurrentibus Protectorem,  
vitæ, statûs ulterioris mei sollicitum Promo-  
torem, & rarum hóc sæculô mihi tamen grati-*



osè indies ad invidiam aliorum Cælitùs provi-  
sum Mecænatem profundissimo perennem te-  
stificante obligationem veneror cultu. Hinc  
non deeset mihi amplissima laudum Eminen-  
tissimæ Celsitudinis Vestræ materies, si eam  
exigua hæc quam in Gratosissimum repono si-  
num capere posset pagella. Loquentur sæcula,  
continebunt annales, quæ & quanta Regum  
Coronator, Pacis publicæ Auctor, Libertatis  
Tutor, Romulei Vaticani Decus, Senatûs pur-  
purati Corculum, singularis Cracij Vavelli Glo-  
ria, in Ecclesia, Patria, & Diœcesi ad posthu-  
mam longarum trieteridum memoriam labo-  
riosè, pie, & exemplariter effecisti & efficis:  
mihi Clientum Tuorum minimo non est subpar,  
vel eloquendi, vel scribendi hæc locupletas, ut  
potè Majoribus Tullijs, Hortensijs, Tuarum  
Laudum amplitudini insudantibus, & eandem  
in centifolia dyphtherarum digesturis relin-  
quenti. Sufficit mihi ad Cardinalitiam caden-  
ti Fimbriam indesinentem pro felicissimis in  
longævam vitam Eminentissimæ Celsitudinis  
Vestræ Successibus ad Aras agere Oratorem  
ita spondeo,

Eminentissimæ Celsitudinis Vestræ

infimus cliens  
Author Operis.





# ORATIO.



N Stellato Carmeli consistens monte, dum & elevata sublimiùs mente, & demissò ad ima oculò, totum qua latepatet intueor mundum, nihil in eo celsum, nihil eminens videre videor. AA. Quemadmodum enim quidquid in Mundo æstimatur vile est, quidquid pulchrum turpe est, ita quidquid eminet humile, quidquid magnum creditur parvum est, quidquid supponitur excelsum re ipsa pusillum existit. Repenti per ima animò etiam abjecta pretiosa videntur, depressa & ipsi planè adæquata plano apparent sublimia, quæ mens altiùs elevata nec unò palmò ju-

B

dicat



dicat metienda. Fallax Mundus deli-  
buto vanitatis collyriô hominum o-  
culos apparenti rerum fallit celsitudine,  
ementitas dioptras, artefacta reperit &  
applicat telescopia, ut sic imbutas fuca-  
tâ quantitate rerum species in minimis  
maximas repræsentet, quas tersior pu-  
pilla exculsô fragilî vanitatis vitrô vix  
tantilla advertit. Congregat erutum  
violentiorî artificiô è terræ visceribus  
aurum, accumulât pretiosa Erythrei eje-  
ctamenta uniones, hoc est nociva avaræ  
hominum orexis illicia congerit diviti-  
as, & ecce prudentior animus dicit, quòd  
aurum sit fulvæ pulvis arenæ, quod gem-  
ma sit bulla gelata maris, quod magnæ  
divitiæ sint lege naturæ composita pau-  
pertas. Erigit magnificas dignitatum  
celsitudines, ostentat præcellas hono-  
rum eminentias, & ecce mens solertior  
suas purpuris etiam tineas, gemmanti-  
bus sceptris, auratisq; coronis suam ru-  
biginem, Regalibus pomis, verminan-  
tem inesse videndo teredinem, in Curijs  
sollicita angentes pectora curas, in vari-  
js honorum insignijs onerosam suis ge-  
stato.



statoribus gravitatem, in diversis digni-  
tatum munijs pravitatem, inter fastigi-  
osa Majestatum culmina ferientia etiam  
summos fatorum fulmina, in Thronis &  
curulibus infortuniorum animadverten-  
do sedes, omnia hæc judicat esse elata  
non sublimia. Superba Neronum per-  
tinaci erecta labore demonstrat Palatia,  
Rhodios Colossos & incredibili turgen-  
tes altitudine præsentat obeliscos, erigit  
ad stuporem sæculorum vix non ære fu-  
sa fidem amplitudine suâ excedentia Ilij  
Pergama & ecce hæc omnia tempus e-  
dax rerum, & invidiosa solo adæquavit  
vetustas, ostenditq; grande fuisse nihil &  
magnum in rebus inane. Quisquis ter-  
rena sapit Mundus illi magnus esse vide-  
tur, qui tametsi totus etiam in tantillum  
cor hominis intraret, illud non repleret.  
Eluctare Cælum versûs mens humi ter-  
pens, elongare paulisper ab imis, hæc o-  
mnia quæ credebas maxima infra te cer-  
nens, te minora videbis, & totum Mun-  
dum in rotunditatis figuram compo-  
situm unicô conclusum advertens pun-  
ctô, nil in illo celsum nil eminens esse



assereres, cum in puncto nil magnum esse potest. Vis scire intimiùs quanta sit omnium in Mundo magnitudo ex mensura eorum conijce, quidquid in Orbe est tempore mensuratur, de quo cum nihil habeatur nisi nunc, mirare fallentem mentis oculos mundanarum rerum quantitatem, quæ momentum non excedit. Verùm his omnibus quæcunq; in Mundo æstimantur, quæcunq; eminent, & magna censentur, si virtus addatur, certò certius celsa & magna eminebunt. Virtus etiam minima maxima efficit, virtus sublimat humilia, ima elevat, celsa & eminentia facit. Parva est cujusq; magnitudo molis, quam magnitudo virtutis non adauget. Humilis celsitudo & vix apparens eminentia, nisi suum à probitate sumat incrementum. Hæc quæ dixi re ipsa probat maximæ laudis argumentum, Idea sanctitatis, stellati primæ magnitudinis Sidus Carmeli, mentis Divinæ delictum, Cælestium Gratiarum omni stupore majus prodigium *DIVINISSIMA MAGDALENA de PAZZIS*. Nihil hæc celsi in se habere curavit,



vit, nihil in se eminere voluit præter virtutum magnitudinem. Hæc *VIRGO DIVINISSIMA* omnes rerum species a thomas judicabat supremum sublimis excellentiæ genus virtuti tribuendo. Ergo in *DIVINISSIMA MAGDALENA* de *PAZZIS*, quod fuerit virtutum celsitudo eminentissima indubitatè inferendum. Hujus celsitudinis Tuæ eminentissimæ Adoratorem magis, quàm pro Laudibus Tuis Oratorem agam *VIRGO DIVINISSIMA* tac tantùm ne Tuæ Majestatis scrutator à rectefactorū Tuorum opprimatur gloria, & licet Tuarum virtutum celsitudo sit eminentissima humilem tamen ut pote Tibi incommensurabilem Oratoriæ thasis non respue dictionem. Mirabimini celsitudinem virtutum in *MAGDALENA* eminentissimam Auditores, si paulisper in benevola attentione quam supplex Orator posco morabimini.

**O**Mnia quidem celsa in *DIVINISSIMA* eminere *MAGDALENA*. AA. Nihil in *MAGDALENA* humile quanquam nihil superbum, nihil non exi-

C

guum



guum quanquam non inflatum, nihil  
non eminere dignum quanquam non fa-  
stuosum, quæ ut tota fuisset cella & emi-  
nens DEVS laboravit & naturâ. Quid-  
quid in MAGDALENA de Corporis  
animive bonis spectare licuit, totum in  
eminenti, totum in excellenti erat, &  
sicut mentis in laudes defudantis cogi-  
tamina, ita & conatum in veneratio-  
nem stuporem excedens. Si generis  
Nobilissimi quo Hæc Sacra prodijt *VIR-*  
*GO* spectemus celsitudinem, Hæc sum-  
mis par & maximis æqualis. Florenti-  
am in Patriam, Camillum de *PAZZIS*  
& Bondelmontiam in Nobilissimos ma-  
gnisq; insignes decoribûs Parentes de-  
dit MAGDALENÆ. Quanta fuit hu-  
jus Generis celsitudo, penna stylusq; me-  
tiri non valet, Cujus Originem ut in-  
vestigas sæcula transcendere, nec totam  
post sæcula Ejus magnitudinem admi-  
raberis, Cujus ante sæcula tanta fuere  
principia. Præter stirpis nobilissimæ  
venustatem si & formosam ex miro Cæ-  
lestium influentiarum temperamento  
ortam spectare libet venustatem, vide-  
re erat



re erat in vultu MAGDALENÆ Superum residere delicias, hinc oculis geminos lucere Tyndaridas, hinc crystallinas purpureis rosas nativi ruboris intertextas radiare genas, labia atticō despumare favō, totumq; Corpus non triumphum sed mille pompas fuisse sedem Gratiarum. In illa fuerat mentis generositas supra sexum, animi prudentia supra naturam, comes morum gravitas supra praxim, & compendiata exquisitarū animi dotum collectio supra admirationem. Planē ut olim Pōeta cum encomio septisuum allocutus Nilum.

*Nec unquam licuit parvum te Nile videre,*

Sic plusquam corivalum septem ostiis operante illō. Qui erat septiformis munere naturam penē excellentium perfectionum alveum **DIVINISSIMAM MAGDALENAM** semper in omnibus celsam & eminentem fateri & adorare est necesse. His tamen omnibus quæ in Sacra Virgine poterant eminere, maxime virtutum eminuit celsitudo. Ea omnia quæ vel naturæ beneficiō vel Cælorum clemen-



tiâ magna & excelsa Mundus vel hominum æstimatio in MAGDALENA videre poterat, semper humilia autumabat MAGDALENA, solam virtutum magnitudinem his omnibus præponendo. Magis curavit virtutum splendore, quàm Nobilissimi Generis claritate refulgere, ad Concives Cælestes per prætensionem virtutis magis, quàm ad maximos Aborigenes per sanguinis nexum pertinere. Magis curavit ut esset potius virtutum, quàm dotum Corporis collectione Pandora, viva perfectæ, Idea probitatis, Protogene Cælesti admissim sanctitatis se delineante venustate. Super extulit his omnibus quæ in ipsa maxima videri poterant virtutum quantitatem, quarum ut in Illa Cælo in delictum, terris in stupendum exemplar fuisset celsitudo eminentissima, favores Superum consensere allaboravit MAGDALENA. Eorum quæ tantisper innui indicium erat prodigiosum nondum natæ Huic Virgini concessū privilegiū. Quæ adhuc in Bondelmontiæ clausa utero rarò imò vix cui concessò



cessō eventu uteri materni ergastulum  
non gravabat: hāc praternaturali suā  
levitate innuens futurum fore ut sem-  
per magis ac magis fursum in eminē-  
tissimam virtutum tenderet celsitudi-  
nem. Cæleste dicerem in concepta  
Hac Infantula Corpus, traduce à Su-  
peris animatum spiritu, quod conter-  
minarum Cælis virtutum futurum scri-  
nium nec gravitat, nec levitat Cælo-  
rum more. Sic MAGDALENA visa  
est ante delibare beatam vitam quā  
inchōare mortalem, Divinum ante ne-  
ctar, quā lac haurire maternum, Po-  
lum prius calcare, quā solum, & stel-  
latos prius credebatur adire orbes, quā  
edita in lucem. Illam nascentem sta-  
tim insolitum irradiavit Lumen, & sa-  
tis eminentem Illius indicavit celsitudi-  
nem, dum Eam corpore quidem Bon-  
delmontiæ, sed sanctimoniā cum tradi-  
ta ad fontem regenerationis teda Patris  
luminum filiam comprobavit. Crede-  
rem ego in tam lucido ortu ipsam MA-  
GDALENÆ adstitisse Lucinam, nisi  
verius crederem quod Eam ipsa virtus  
D. suū



fuîs exceperit ulnîs, quæ priûs radiîs,  
quàm falciîs cingitur: quomodo in ul-  
teriori vitæ cursu ad celsitudinem vir-  
tutum non pervenit *MAGDALENA*  
eminentissimam, quæ in ipso ortu ap-  
paruit tam illustris. Cum candido tan-  
dem materni lactis alimento candidos  
contraxit mores *MAGDALENA*, &  
quanta futura erat in illa probitatis cel-  
situde, ipsius principiatae miraculis vi-  
tæ monstravit magnitudo. Nondum  
*MAGDALENA* teneros numeravit gres-  
sus, & jam metam attigit sanctitatis,  
cui celerior erat virtutis, quàm ætatis  
cursus. Magna enim virtus statim fe-  
stinat à teneris, expectationis virorem  
præcocitate sanctorum fructuum præ-  
venit, cum aurora infantiae soles vitæ  
Cælestis in meridiem provehit, in ipso  
ortûs sui phosphoro quod serus vehat  
vesper ostendit, & omnis moræ impa-  
tiens pigritiam temporis antevertit. Pu-  
milionem *MAGDALENAM* mensurabat  
ætas, & jam Giganteos progressus, pi-  
etatis vestigia annotabant, quæ ita ju-  
venilem tractavit prætextam, ut sem-  
per



per in palmarem (quam tamen nulli in  
stadio virtutum porrigeret) effloresce-  
ret herbam. Dies Ejus adhuc dilucu-  
lante juventutis aurorâ ætates erant, &  
una hora poterat in sæcula mitti. Ita  
annuatim protracta metiebatur lustra,  
ut meridiante meritorum claritate sem-  
per magis ac magis redderet illustria;  
annos æternitati consonos per virtu-  
tum duxit calendas, cujus pubertas ma-  
turæ sanctitatis ubertas erat, ita ut an-  
tiquiuitate lassati ævi viva Idea vide-  
retur. Futuram continuam in Cælo  
*MAGDALENÆ* conversationem, stu-  
penda illa à vanis multiloquijs averfio,  
sedula & continuo exquisita spirituali-  
um colloquiorum attentio indicabat.  
DEO plena cibos fastidit *MAGDALE-  
NA*, ad eminentissimum tandem suæ san-  
ctimonix incrementum solius virtutis  
rata sibi sufficere alimoniam, Cælestem  
Panis Angelici saporem dum irroratô  
Divinis charismatibus palatô, & deli-  
butis nectare Gratiarum labiis degu-  
stare non virtutum, sed annorum in-  
competentia vetaret *MAGDALENÆ*,



admirandô à Matre Hunc Eucharisti-  
cum lumente Cibum, diffuso odore re-  
creabatur. Indivisa nec repulsa etiam  
separabilis à Matre die Sacræ Commu-  
nionis *MAGDALENA*, quantam sancti-  
tatis inspiratura erat fragrantiam, quæ  
in tantæ Eucharistici Cibi odorem cur-  
rebat sanctitatis. In spiritu tota vive-  
re volens, carnem aggressa subjuga-  
vit spiritui, & penè in spiritum trans-  
mutavit, castimoniam sic illi innatam  
reddidit, ac si naturæ fuerit donum non  
Gratiæ. Quasvis adipalis mensæ nau-  
seabat delicias, ne Corpus saginatum  
calcitraret, parcissimo indulgebat so-  
mno, ne crescente segnitie carnis cre-  
sceret sevities. Mollem pretiosumquè  
respuebat vestitum, ne sic ornatus su-  
perbiret hostis. In prætexta adhuc ju-  
ventutis polymita asperam ambiebat  
lacernam, ut sic melius accensam in  
vase fictili castimoniæ obtegeret lucer-  
nam, & sic inextinctam custodiret. Hinc  
meruit *MAGDALENA* ut cælitùs visita-  
ta per immisum suo digito annulum  
*CHRISTO* desponsaret: ut conijcere  
liceret



liceret quanta fuerit in illa celsitudinis  
virtutum eminentia, quæ tanto Spon-  
so meruit subarrari. Emissum in de-  
cennio ætatis suæ Virginitatis votum,  
cum jam Paranimphi Cælestis sponsa-  
lia inivisset, nullô modô temerari vo-  
luit, & tantum lachrymîs pondera vo-  
cis habentibûs apud pijsimos suos va-  
luit Parentes, ut sanctæ voluntati &  
devotis *MAGDALENÆ* essent parentes  
votis. Vrgentibus noluit obedire per-  
suasionibus ne refragaretur Superis: be-  
na gnara, augustum esse eminentiæ au-  
gurium parere DEO. Ac tandem pri-  
dem excitati ac toties prorumpentis  
sui desiderij annuente Parentum licen-  
tiâ compos ut esset in celsitudine vir-  
tutum eminentior sacrum conscendit  
Carmelum, sanctimonialium ingressa  
asceterium quod illam in probitate ac-  
cepit, non fecit. Ibi cum se Sacrô  
*MAGDALENA* obnupsit velô, apertius  
se prodidit virtus, cui etiam in conter-  
mino Astris Carmelo deerat, quô mens  
*MAGDALENÆ* cognata Polo suum

E

per-



perficiendi in perfectione studium fa-  
tiaret. Totam se penè virtus infude-  
rat *MAGDALENÆ*, quæ adhuc Novi-  
tia, eò magnitudine sanctitatis evasit,  
quò solet stupor non cæterorum imi-  
tatio. Celsitudo virtutum *MAGDA-  
LENÆ* ut surrexisset eminentissima ab  
abyssali humilitatis incepit virtute: &  
bene primum enim crescendi auspici-  
um est imminui coram Numine. O-  
mnibus se abjectam anhelabat præbe-  
re *MAGDALENA*, quamvis omnes  
eminentissimam in virtutibus venera-  
rentur. Iam hominum peripsema, Mun-  
di purgamentum, inutile terræ pondus se  
dicebat, quanquam ab omnibus inæsti-  
mabile Cælestis ærrarij æstimaretur Cle-  
nodium, jam se maximam profiteba-  
tur peccatricem, ab omnibus Icon ha-  
bita sanctitatis, & ut vel ex Nomine  
se talem monstrasset, Nomen Cathari-  
næ quod in baptismo acceperat in e-  
tymum *MAGDALENÆ* commutari pe-  
tijt; & obtinuit, nunquam magis contenta  
quàm dū maximè contēpta. O Celsitu-  
do



do virtutum *MAGDALENÆ* eminentissima! cujus fundamentum nempe humilitas abyssos superans. Cor tandem suum in *Æthnam* Divini amoris incendijs æstuantem stuporem excedente metamorphosi commutavit *MAGDALENA*, quibus adeo sæpe sæpius effervesce visa, ut extra sensus poni, & deliquium pati videretur. Hunc tamen ignitum erga *DEVM* amorem ignotum esse volebat, quem quò magis suppresserat eò Ille celsiùs & eminentiùs eminebat, nescius còarctari. Quâcunq; *MAGDALENA* incedebat ubivis mortalium corda flammâ Divini amoris incendebat, à Cujus etiam vestigijs multi hoc Vestali nimirum in ara pectoris *MAGDALENÆ* inextincto incaluere igne. Hinc processit ut cum virtutum *MAGDALENÆ* Celsitudini Sacri Pantheonis lares non sufficerent, vi Divini acta amoris, sive Angelicis sublevata pennis, non mente tantùm, sed & Corpore elevaretur in ærem, frequentius iteratâ Cælestium de Divinis My-

E2 ste.



sterijs revelationum instructione in admirandis deliciata extasibus: nonne in *MAGDALENA* Celsitudo in tantum eminentissima quæ pertingit usq; ad Divina, Cujus Religiosa mens adeo pietate Cælo appropinquaverat, acsi nihil terræ in terra elset præter corpus, Ille admirandus *MAGDALENÆ* per quinquennium cum toto ferme inferno conflictus longè majus celsitudini virtutum *MAGDALENÆ* addidit incrementum. Totum suum conamen exercuit orcus, & integram virium suarum vulcaniam in uno conflavit flumine, quò *MAGDALENAM* ex eminentissimo virtutum culmine dejecisset; irritum tamen semper eventum. Jam impetebat *MAGDALENAM* horridus inferni Leo, jam urforum, molossorumq; exagitabat multitudo, sed *MAGDALENA* Angelicò vultu immanes terruit manes, & avernalis leonis jubam, in sui triumphii jubar transmutavit. In hoc conflictu ut consisteret fortior; jejuniis debilitabat Corpus, ut se melius ar-

maret



maret cilicium, & ferreos denticulatos  
induebat cingulos, ut elset vegetior  
superatîs per crebras disciplinas ulce-  
ribûs pro efficaciori promulsione mayo-  
rem adhibebat rigorem, ut pleno vir-  
tutum sanctitatis profluvio è vulneri-  
bus sanguine irrigata majorem habe-  
ret vigorem. Alpesit non semel MA-  
GDALENA proprio cruore sacrum  
suæ cellæ pavementum ut sic adversa-  
us citiùs in lubrico laberetur. Sic  
mortificationibus asveta, patiendi cu-  
pida, putavit martyrium esse nihil pa-  
ti, nihil amans præter DEVM mor-  
tem etiam odit, nec vitam amplecti-  
tur, cum incessanter exclamat pati non  
mori. Hinc pro singulari xenio cor-  
de illam propriò & collectis in fasci-  
culum passionis instrumentis CHRIS-  
TVS remuneravit. O pretiosam  
MAGDALENÆ animam! quò totum  
genus hominum redemptum est pre-  
tiò, intimiùs uni illi CHRISTVS ap-  
plicuit, quasi tanti valeret CHRISTO,  
quanti Mundus valuit universus. O



Celsitudinem virtutum in MAGDA-  
LENA eminentissimam, quæ tam pre-  
tioso munere honoratur. Jam tandem  
MAGDALENAM Cælo transcri-  
plere fata, jam Eam numerus merito-  
rum rutilantia vexit ad Astra, jam MA-  
GDALENÆ decretionem, vitæ peri-  
odum parentales delineavere umbræ,  
sed tantum vitalis lucis uluram, non  
virtutum splendorem minuentes, MA-  
GDALENAM solis instar in occa-  
su majorem ostendere. Mortale cæ-  
notaphium non est apta magnitudinis  
MAGDALENÆ mensura, quam in-  
numera miraculorum & Gratiarum au-  
gent testimonia, probantq; MAGDA-  
LENAM elatam in tumulum feretro,  
sed Celsitudine virtutum eminentissi-  
mam usq; in Cælum sublimatam.

Suspiciamus Te à longe astrifero in-  
vectam Trioni Virgo Seraphica, & cel-  
situdinem virtutum Tuarum eminen-  
tissimam venerabundi adoramus. Stu-  
pemus adorantes quibus admiratio non  
parit verbum sed silentium. Sublima-  
sti



ſti Tuâ ſanctimoniâ Carmeli Celſitu-  
dinem, qui electum Divorum cùm ſit  
Hospitium in liliatis ſuis Incolis ma-  
gna Orbi Chriſtiano oftendit documen-  
ta. Has Stellas Carmeli Te o Virgo  
Seraphica extra ſomnium video ado-  
rare, & plena regularis obſervantiæ  
imitatione virtutes Tuas credo adori-  
ri. Ergo *VIRGO DIVINISSIMA* vili  
laudis ignolce humagio, quod Tuæ eſt  
impar celſitudini. Regnum Poloniæ, Ge-  
neralem Illius Scholam, & hanc Me-  
tropolim protege, omnibus Tuis Cli-  
entibus Gratiarum favores præſta, mi-  
hi ſatis erat eminentiſſimam virtu-  
tum Tuarum humili dictione  
adorare Celſitudinem.

D I X I.









ti  
e,  
M  
o-  
m  
o  
es  
er  
ne  
a-  
ur

10  
c.

y-  
ti-  
c-

卷之六

卷之四







3.XII.13

22000,-



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



